

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 42. zenbakia. 1999ko irailaren 10a.

Udal batzordeak banatu dituzte

EHK hiru eta EAJk eta EAK udal batzordeburu bana dituzte

Abuztuko opor aurretik erabakita gelditu ziren udal batzordeak udaletxean. EHk hiru batzorde zuzenduko ditu. EAJk eta EAK, berriz, batzorde bana izango dute. Batzorderik indartsuena Hirigintza batzordea izango da.

Hirigintza, Nekazaritza eta Ingurugiroa eta Ogasuna eta Pertsonala. Hauetxek dira EHko udal ordezkariak zuzenduko dituzten udal batzordeak. EAJk, izango du Kultura-kirola-euskara-gazteria-hezkuntza izeneko batzordea. EAK, berriz, Ongizatea eta Osasuna.


BATZORDEBURUAK

Juan Jose Azkarate dugu Hirigintza batzordeko buru. Azpibatzerdeko buru, berriz, Julen Iparragirre izango da, hau da, zerbitzuetako arduraduna. Bi hauekin batera Jose Angel Zabalo, Jon Kortabarría eta Juan Benitez ere arituko dira. Kultura-kirola-euskara-gazteria eta hezkuntza batzordeko buru Jose Luis Kortabarría dugu. Berarekin arituko dira Josune Irizar, Jose Ignazio Madariaga eta Juan Benitez ere.

Nezakaritza eta Ingurugiroa batzordeko buru Jon Kortabarría dugu. Jose Luis Kortabarría eta EA eta PSEko bi ordezkariak ere arituko dira lanean.

Ongizatea eta osasuna Jose Ignazio Madariagak zuzenduko du Juan Benitez eta Mireia Unamunoren laguntzaz.

Ogasuna eta pertsonala, berriz, Josune Irizarrek zuzenduko du, Jose Luis Kortabarría eta Mireia Unamunorekin batera. ■



Juan Jose Azkarate
Hirigintza



Jose Luis Kortabarría
Kultura-kirola-euskara-gazteria-hezkuntza



Jon Kortabarría
Nekazaritza-Ingurugiroa



Jose Ignazio Madariaga
Ongizatea-osasuna



Josune Irizar
Ogasuna-pertsonala

■ ■ ■
Hirigintza batzordeak azpibatzerde izango du eta Julen Iparragirre izango da arduraduna
■ ■ ■

Antzuolarrak udako oporretan

Espainia ez ezik, Europa eta Amerika hautatu dituzte jomuga bezala



1.

Udako oporrak pasa berri direla eta, antzuolarrak non izan diren jakin nahi izan dugu. Eta horren testigantza ere lortu dugu. Suitza, Valentzia, EEBBk eta Italia izan dira euretako batzuek hautatu dituzten destinuak. Lekuak ezberdinak izanda ere ondo pasatzea zuten helburu guztiek eta hori behintzat lortu dute. Begira bestela. Agian hurrengo urteko bidaia egiteko ideiak hartu ahal izango dituzue!

Eta gainera, argazkion egileek BERRIGARAK antolatutako argazki-kameraren zozketan ere parte hartuko dute.


1. Igor, Urko, Samuel eta Bergarako Ainhoa eta Amaiak, Murillo herria hautatu zuten. Galleko ibaian rafting egiten izan ziren gazte hauek. A ze nolako abentura...

2. Atlantikoaren beste aldean hautatu zuten Aitorrek oporretarako. EEBBetara abiatu zen emozio berrien bila. Han zegoela itsasontzia hartu eta Askatasunaren estatua bertatik bertara ezagutzera joan zen, jakina!

3. Agurtzanek, Nereak, Alaitzek, Ainhoa eta Marijok (argazkilaria), berriz, Mediterraneoan hautatu zuten. Baina ez, ordea, hondartza. Turismo kulturala egin zuten eta erromatar aztarnak ezagutzen izan ziren Saguntan.

4. Andoni, Jon, Eñaut, Jesus eta Igorrek ere Mediterraneo aldera jo zuten. Tontorrietan hamabost egun igaro dituzte, baina, aitortu digutenez, ez dira hondartza geraturatu ere egin. Joan bezain zuzen etorri ote dira?

3.



2.



4.



LARREA

TABERNA

Kalebarren 17
ANTZUOLA

EGAÑA

Era guztietako arotz lanak

Tarima eta parketa jartzea
Zoruen kutxilatze eta barnizatuak

Kalegoi 21, ANTZUOLA Tf.: 943 76 64 23

Igor eta Txomin C.B.

**Margoak
orokorrean**

ANTZUOLA 609 157 131
BERGARA 609 150 164

POLLERUA, BILBORA

Joan den asteartean iragarri zute-nez, Madrilako gobernuak 105 preso kartzelaz mugituko ditu. Tartean Juan Jose Aranburu, "Pollero", dago. Polleroa Madrilako Navalcarnero kartzelan dago gaur egun. Dagoeneko zigorraren hiru laurdenak bete ditu. Hori dela eta, legearen arabera kalean beharko luke izan, orain dela 200 egun baino gehiagotik. Juan Josek ia lau urte daramatza espetxean eta asteartean Mayor Orejak iragarri zuenez, Euskal Herrira ekarriko dute. Lehen ere Gasteizko Langraitzeko kartzelan izan zen. Orain, Basauriko kartzelara ekarriko dute. Berarekin batera beste 26 euskal preso ekarriko ditu Españaiko gobernuak Euskal Herrira.



7.



5. Koadrila hau Eskozian izan da abuztuan zehar. Autobusa alokatu zuten eta behar zituzten tresna denak sartuta alde egin zuten. Ondo baino hobeto pasatu omen dute lurralde hartan.

6. Nora, Aintzane, Nekane, Aitziber eta Leire Suitzan izan dira. Argazkian, Guillermo Tellen omenez egindako elizaren aurrean ageri dira. Hauek ere historia ezagutu nahian!

7. Arkaitz, Iker, Aitor, Estebe eta Julen turismo eta kirola egiten izan dira. Santiago bidea egin dute bizikletaz, Donibane Garazitik irtenda. Guztira, 900 km hama bi egunetan. Jakina, iritsi eta gero, Galiziako giroa ezagutu gabe ezin etorri, ezta?

8. Amaiak, Zegamako lagunak izan zituen ondoan, Italian. Hamabost egunetan hainbat herri bisitatu zituzten. Hemen, Pisako dorrearen inklinazioaren testigantza laga nahi izan digu.



8.

BARAZKI ETA FRUITU ONENAK

Tomas Larrañaga eta Maje Gorritxok, eta Kontxi Izagirrek barazki eta fruta onenen sariak irabazi zituzten joan den asteazkenean, Ordiziako azokan. Lapatzakoek barazki ekologikoak lantzen dituzte orain dela urte batzuk eta badakite zer den horrelako sariak eskuratzea. Kontxi, Bidaurren hazitako frutak aurkeztu zituen, 42 barietate. Aurreko hiru urtetan hirugarren saria lortu izan du Kontxi Ordizian. Aurten azkenean, lehen saria eman diote. Hurrengo zita Bergarako azokan izango da, irailaren 18an.

GOROSTI
Taberna

☎ 943 76 62 96
Zurrategi plaza ANTZUOLA

ANTZUOLA
Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Biltegia: 943 78 70 40

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak •
- Paper margotuak •
- Mokatak eta tapizatuak •

GAILUR
taberna eta
gozotegia

Buztinzuri 13 ANTZUOLA
Tf. 943 78 70 32



Domekan, hilak 12 ospatuko da Finalista Eguna.

Finalista eguna domekan egingo da

Zilarrezko ezteiak beteko ditu aurten Finalista Eguna. Izan ere, eta Arrola mendizale elkartearen historiaren arabera, 1974ko irailaren 8an egin zen lehenengo aldiz Finalista Eguna. Domekan ospatuko dena, beraz, hogeita bosgarrena izango da.

Orain dela 25 urte, 1974ko irailak 8an eta Koroso gainean, orduan Federacion Vasco-Navarra zeneko lehendakariak, Pako Iriondok, hainbat domina jarri zien herriko mendizale finenei. Helburua aurreko urtean igotako mendiengatik zoriontzera zen. Urte hartan jende ugari elkartu zen Koroson egun pasa, jai giroan. laz, ordea, Trekutzen, eguraldi kaskarrak eraginda jende

gutxiago animatu zen mendian Finalista Eguna ospatzera.

EGITARAUA

Goizean goiz mendi irteera egingo dute Arrolakoek. Antzuolako mendietan zehar izango da ibilbidea eta horren ostean Trekutzerera joango dira. Izan ere, han salda beroa eta txistorra banatuko dira mendigoizaleen eta bertarutzen diren guztien artean.

Urteroko bazkaria ere egingo da. Arrolakoek aditzera eman digutenez "norberak eraman beharko du bazkaria". Eurak arduratuko dira mahai eta aukiak ipintzeaz, baina mendian jan nahi duenak etxetik eraman beharko du bazkaria. Arratsalde parterako, jolasak eta erromeria antolatu dituzte. Taberna ere egongo da.

ARGAZKI LEHIAKETA MARTXAN

Bosgarren urtez Udalak antolatutako argazki lehiaketa martxan dago. Udaran argazkiak atera badituzue, oraintxe duzue saria irabazteko aukera. Gaia librea izango da. Udaletxean aurkeztu daitezke argazkiak irailaren 30a baino lehen. Lanak nahi diren neurrikoak izango dira, baina euskarria 30x40 cm-koa izango da eta kartulina krema edo beige kolorekoa. Argazkiak koloretakoak nahiz zuribeltzez egon daitezke. Sariak 25.000 eta 15.000 pta-koak dira.

LANPOSTU ESKAINTZA

Gizarte laguntzailearen lanpostua betetzeko pertsona bat behar da udaletxean. Amatasun baja betetzeko da eskaintza. Gipuzkoako Boletin Ofizialean aurkitu daiteke lanpostu honi buruzko beharrezko informazioa. Bestela udaletxera bertara jo daiteke. Lan eskaerak aurkezteko epea irailaren 15ean, eguaztenean, amaituko da.

AEROBIK SAIOAK

Herritarrek aurten ere aerobik eta mantenimenduko gimnasia egiteko aukera izango dute. Saiok irailaren 13an, astelehenean hasiko dira. Izen ematea udaletxean egin daiteke. Hilero 2.500 PTA ordaindu beharko da eta astean hiru saio izango dira. Aerobika astelehena, martitzena eta egunetan izango da eta mantenimenduko gimnasia, berriz, astelehen, eguazten eta egunetan. Ordu-tegiari dagokionez, eskaintza zabala dago. Izan ere, lau ordu-tan eskainiko dira, goizez bat eta arratsalde-iluntze partean beste hirurak.

EUSKARA IKASTAROAK


Bergarako Akulu-AEK euskaltegiak ikasurte berrirako Antzuolan euskarazko klaseak eskaintzeko asmoa dauka. EGA atera nahi dutenei, guraso edo beste edozeini zuzendua izango da. Interesatuek udaletxera jo dezakete edo 943 76 05 18ra. Azken eguna irailaren 29a izango da.

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatua eta barnizaketa •



Z Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-urreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu